

A pone ley un banda pa tin control riba caso Endy Croes

“**LANDSVERORDENING** Instellings Ministeries”, esta LIM, ta e ley cu ta determina reparticion di ministerionan cu ta wordo asigna na Ministernan di un Gabinete pero na mes momento e ley aki tambe ta indica cu na momento di retiro di un of otro Minister pa cualquier motibo, cual otro mandatario lo tin cu asumi responsabilidad pa e ministerionan aki.

Loke Prome Minister demisionario Evelyn Wever Croes a haci dialuna ultimo ora cu su persona a dicidi di tuma e carteranan cu a bira liber ora cu Gobernador Alfonso Boekhoudt a ratifica e decision di Parlamento di Aruba, cu a dicidi di baha Minister demisionario Endy Croes for di su posicion, debi na e caso di fraude den e fundacion di CCCA, no tabata un decision bon.

E ley di LIM actual a wordo cambia despues cu e dos partidonan MEP y RAIZ a yega na un acuerdo di gobernacion y na mes momento a anuncia kende lo bay asumi e posicionnan cu nan a haya, den Consejo di Minister pa e periodo di 2021 pa 2025.

RAIZ a haya pa su cooperacion cu su partner MEP e ministerionan di Asuntonan Economico, Comunicacion y Desaroyo Duradero cual a bay pa Geoffrey Wever, mientras cu Ursell Arends a ricibi e ministerio di Transporte, Integridad Naturaleza y Asuntonan di Hendenan grandi.

Na momento cu Parlamento a baha Minister Endy Croes for di su posicion, e tabata responsabel pa Enseñansa y Deporte pero awor cu su retiro a bira oficial cu e decision di Gobernador, LIM ta señala cu e ministerionan di Endy mester a pasa inicialmente pa Minister Rocco Tjon cu tin Husticia y Asuntonan pa Social.

Sinembargo ya caba Minister Rocco Tjon a keda encarga cu e ministerionan di ex Minister Glenbert Croes kende a dicidi di retira como minister na momento cu Ministerio Publico a confirma cu su persona ta acusado principal den e caso di Portulaca.

Segun Prome Minister Wever Croes, dor di e situacion aki, el a dicidi di asumi responsabilidad pa e carteranan di Endy Croes loke no ta cuadra cu loke ley di LIM cu Consejo di Minister di MEP-RAIZ mes a aproba dia 9 di juni di 2022 y cual a wordo firma pa e propio Prome Minister prome cu a manda esaki pa Gabinete di Gobernador.

E documento di LIM ta muestra cu e carteranan di e minister retira mester pasa awor pa responsabilidad di Minister Geoffrey Wever kende ainda ta Minister mientras cu ya el a cambia di partido politico.

Esey LIM ta stipula pero den un periodo cu cantidad di cosnan bayendo robes pa Gabinete Wever Croes II, e decision di Prome Minister cu e carteranan di Endy Croes ta muestra algo controversial, algo contradictorio y algo conflictivo.



Consejo Electoral Aruba

AVISO IMPORTANTE

FIRMA PA SOSTENE LISTA DI CANDIDATONAN DI PARTIDO POLITICO

Cuminsando 21 di October te cu 29 di October 2024 (excluyendo weekend)

Partidonan politico cu no a logra un asiento durante e eleccion ultimo na 2021 mester ricibi sosten di nan lista politico cu **586 firma di votadonan**.

Esaki ta 1% di e votonan valido di e eleccion anterior.


Votadonan cu ta desea di sostene lista di candidatonan di partido politico mester presenta cu nan ID valido.

Orario:

09:00 AM pa 8:30 PM


Localidadnan:

- Dependance Censo @ L.G Smith Boulevard 66
- Hulpbestuurskantoor Noord
- Hulpbestuurskantoor Savaneta



@consehoelectoralaruba

Sigui nos riba rednan social pa sea bon informa!



Scan e QR-Code pa bishita nos website.



**SEA INFORMA,
SCOGUE Y VOTA**